

INUIT ATAQATIGIIT

Inatsisartuni



UKA2018/8
15.10.2018
Sara Olsvig

2017-imut Ilassutissatut aningaasaliissutinut Inatsisissatut siunnersuut. (Aningaasaqarnermut Naalakkersuisoq)

2017-mut ilassutissatut aningaasaliissutinut inatsisissatut siunnersuut Aningaasanut inatsimmi 2017-moortumi pissutsinut piviusunut naapertuuttumik aningaasaliisimanitsinnut takussutissaavoq. Inatsisissatut siunnersuummi aamma takusinnaavarput suliassaqarfinni sorlorni aningaasaleeqqinnissamut ukiup ingerlanerani pisariaqartitsisoqarsimanersoq, ilaanni aningaasanut inatsimmi oqaasertaliussat aqcutigalugit periarfissaareersunik, ilaatigulli aamma immikkut pisariaqartitsilersimaneq tunngavigalugu. Suliat marluk immikkut oqaaseqarfigilaartariaqartutut isigaavut.

Soorlu ilassutissatut aningaasaliissutinut inatsisissatut siunnersuummi takuneqarsinnaasoq peqqinnissaqarfimmut 2017-mi aningaasaleeqqittariaqarsimavugut. Tamanna Inuit Ataqatigiinnit peqqinnissaqarfimmut ataavannerusumik aningaasaleeqqittoqartariaqarneranik pisariaqartitsinitsinnut ersiutitut isigaarput. Ullumikkornit pitsaanerusumik peqqinnissaqarfippit kivissinnaasariaqarparput tamattalu pinaveersaartitsinikkut siusissukkullu iliuuseqarnikkut siunissaq ungasinneq isigalugu aningaasartuutinik annikillisaasannaanerput isumaqatigiissutigaluarippit piffissaq qaninneq isigalugu aningaasaleeqqittariaqarneq avaqqunneqarsinnaanngitsoq isumaqarpugut. Naammanngilaq aaqqiigasuarniarnerit qaleriisiinnarutsigit. Sukumiinerusumik sulisariaqarpugut.

Ilassutissatut aningaasaliissutinut inatsisissatut siunnersuutip aamma takutipkaa 2017-mi imaannaanngitsumik nunatsinnullu maannamut annertunerpaamik sunniuteqarsimasumik ajunaarnersuaqarsimammat. Inuit Ataqatigiinnit nuannaarutigaaarput Naalakkersuisut Inatsisartullu partiillu tamakkerlugit akimorlugit suligasuartoqarnissaanut ikiuukkasuarnissamullu suleqatigiilluartoqarsimammat. Tamassuma inuiaat pisup nalaani ataatsimoornermik takutitsinerannut naapertuulluinnarpoq. Periarfissaq manna avataanit aamma aningaasaliinikkut allatigullu ikiuunnikkut ikiuussimasunut tamanut qujassuteqarumavugut. Minnerunngitsumik eqqugaasunut misiginneqataanerput apuuteqqikkumavarput.

kinguneqartarpoq, tassami suliassaqarfinni ataasiakkaani politikikkut sangujoraarnermik kinguneqartarpoq. Tamanna peqqinnangilaq.

Naggataatigut maluginiarlugu oqaatigissavarput Inatsisartut 50.000kr-nik Syriami eqqaanilu annertuumik sorsunnermit qimaasunik ikiuniarnermut tassunga siunertalimmit kontomit aningaasaliisimmammata. Nuannaarutigaarput inatsisartut tamatumunnga ataatsimoorsimmammata. Uummannap Sulluani ajunaarnersuaqartillugu avataanit ikiuisimasut ikinngillat Kalaallit Nunaanniillu nunani allani inuttut ajunaarnersuaqartillugu annikikkaluamik ikiuisimanerput kialaartumik uummateqarnitsinnik inoqatitsinnillu isumaginnikkumassusermik takutitsineruvoq.

Taama oqaaseqarluta 2017-mut ilassutissatut aningaasaliissutinut inatsisissatut siunnersuutip aappassaaneerneqannginnerani ataatsimiititaliami susassaartumik suliarineqarnissaanut ingerlapparput.